

বেজায় বগড়

রঙ্গনাট্য

“দি গ্রেট স্টাশনাল” থিয়েটারে অভিনীত

শ্রীভূপেন্দ্রনাথ বন্দ্যোপাধ্যায়

শুরদাস চট্টোপাধ্যায় এণ্ড সন্স

২০৩১১, কর্ণওয়ালিস্ স্ট্রীট, কলিকাতা

চরিত্র-সংগ্রহ

নবম সংস্করণ
১৩২৯ বৈশাখ

গুরুদাস চট্টোপাধ্যায় এণ্ড সন্দের পক্ষে ভারতবর্ষ প্রিন্টিং ওয়ার্কস্ হইতে
শ্রীগোবিন্দপদ ভট্টাচার্য্য দ্বারা মুদ্রিত ও প্রকাশিত
২০৩১১১, কর্ণওয়ালিস্ স্ট্রীট, কলিকাতা

রঙ্গোক্ত পাত্রপাত্রীগণ

পুরুষ

রামকমল ঘোষাল	...	বৈষ্ণবপুর-নিবাসী ব্রাহ্মণ ।
পদ্মলাল	...	ঐ ভাগিনেয় ।
ষোড়শী কান্ত চৌধুরী	...	পূর্ববঙ্গ-নিবাসী ধনাঢ্য ব্যক্তি ।
জীবনধন	...	ঐ পুত্র ।

পাণ্ডাগণ, ভিখারিগণ, মুখ্যে, চাটুয্যে, গাঁটকাটা, বুবকধর, ভদ্রলোক
মেথর, খেজুররস-বিক্রেতা, জুয়াচোর, প্রতিবাসিগণ,
ভট্টাচার্য্য, হরঠাকুর্দা, ইত্যাদি ।

স্ত্রী

মাতঙ্গিনী	...	ষোড়শীকান্তের পত্নী ।
বিমলা	...	রামকমলের পত্নী ।
ক্ষেত্ৰপিসী	...	প্রতিবেশিনী বৃদ্ধা ।
ঝি	...	ষোড়শীকান্তের পরিচারিকা ।

রমণীগণ, খেজুররস-বিক্রেতা-পত্নী, তাঁতিনীগণ, বিরহিণীগণ,
কুবকপত্নীগণ, প্রতিবেশিনীগণ, ইত্যাদি ।

উৎসর্গ

অভিনেতৃকুলগৌরব ও যশস্বী নাট্যকার

সোদর-প্রতিম---

শ্রীযুক্ত অমরেন্দ্রনাথ দত্ত

সহধরেষু---

ভাই অমর !

তোমারই কথায় এই “রক্তনাট্য” লিখিত। তুমিই পড়িয়া
শুনিয়া স্বহস্তে ইহার নামকরণ করিয়াছ। তুমি আনন্দ
পাইয়াছ বলিয়া আমি নিঃসঙ্কোচে এই ক্ষুদ্র-কলেবর গ্রন্থখানি
তোমার করে উপহার দিয়া আনন্দলাভ করিলাম।

ইতি---

কলিকাতা,
২৪ নং চোরবগান
সেকেণ্ড লেন।

}

অভিন্নস্বদয়

ভূপেন।

বেজায় বগড়

দৃশ্যকাব্যরঙ্গ

প্রথম স্কন্ধ

গঙ্গার ঘাট । (চন্দ্রগ্রহণের দৃশ্য)

পাণ্ডাগণ, ভিখারিগণ, পুরুষগণ ইত্যাদির জনতা

গীত

রমণীগণ ।

(ঐ) চাঁদেতে গেরোণ লেগেছে ।

বাড়িয়ে গুলো, রাহ কেলো, খোলো অঙ্গ ছুঁয়েছে ॥

সহজে তো ছাড়বে না এবার,

খিদের চোটে পূর্বে পেটে, চাকিশুকু তার,—

(তাই) ধরা অশুকু সবাই ক্রুকু, মাগীমদ খেপেছে ॥

যত, কেলে হাঁড়ী তাড়াতাড়ি, প'ড়ল অ'স্তাকুড়ে,

(বাজে) শঙ্খঘণ্টা—ফাটিয়ে কণ্ঠা চেঁচায় সহর জুড়ে ;

খেয়ে, বিবম তাড়া, হতচ্ছাড়া (ঐ) উগ্ৰে বৃষি দিয়েছে ॥

(শঙ্খ—ঘণ্টাধ্বনি, “হরিবোল”—“হরিবোল” শব্দ)

কাণা । জয় হোক—দাতা বাবা,—জয় হোক—রাণী মা,—জয়—
জয়কার হোক—কাণাকে দান কর মা—

খোড়া । খোড়াকে দান কর মা—

ব্রাহ্মণ । ব্রাহ্মণকে দান কর মা ! অন্নদান—বস্ত্রদান—কাঞ্চনদান
—স্বর্ণদান—বৌপ্যদান—

সকলে । গ্রিন্ দান—গ্রিন্ দান—অন্নদান—বস্ত্রদান—কাঞ্চনদান—
গ্রিন্ দান—

বৈষ্ণব । (সুরে) “প্রভাসতীর্থপুরে—যেতে দে বাপুরে—ওরে,
দেখতে দে কৃষ্ণ কি যজ্ঞ ক’বেছে”—

ভট্টাচার্য্য । এস—এস—এদিকে এস মা লক্ষ্মীরা—এদিকে এস—
আমি নবদ্বীপবাসী শ্যামচক্র প্রপৌত্র—এস এস—তোমাদের গ্রহণের
জ্ঞান করিয়ে দিই ! আজ মহাদিন ! দুব দিন—দুব দিন—বলুন—“উত্তীর্ণং
গম্যতাং রাত্ৰ তাজাতাং চক্রসঙ্কমঃ । কৰ্ম্মচাণ্ডালং যো গোখং কুরু
পাপক্ষয়ং মম—”

বিন্দী পিসী । আরে সর’ ঠাকুব ! এখন ব্যাড্ ব্যাড্ ক’বনা ।
অন্ধকারে চোখে কিছু দেখতে পাইনা । ওরে অ মেজবোমা—অ
সেজবোমা—ওবে কোনদিকে গোল—ওরে এদিকে—এদিকে ! ওরে অ
তেলকধারী—আমাব আদলা চাবটে কইবে—ওরে অ—

(বলিতে বলিতে প্রস্থান)

মুখ্যো মহাশয় । ওহে চাটুযো—এদিকে যে বেজায় ভিড় ! ইহি—
তি—হি ! কি শীতরে বাবা ! এত শীতে কি রাত্রিবেলায় গঙ্গানাওয়া
পোষায় ? বুড়োহাড়ে কি শক্তি আছে সে রকম ?

চাটুযো । আরে—আমি কি আর সাধ ক’রে এসেছি ? তেজপক্ষের

তিনি—দু'টো রাত্রে বায়না ধ'ল্লেন—গেরোণে গঙ্গানান কর্তে যাবো ! তাই
বাড়ীর সব ছেলেমেয়েদের গাড়ীতে পাঠিয়ে দিয়ে—এখানে আগ'লাতে
এসেছি । গঙ্গার ঘাট বড় খারাপ জায়গা—বুঝেছ ?

মুখ্যো । আরে রাম রাম—এত শীতে—এত অন্ধকারে—এত ভিড়ে
—এত ফাঁকায় মেয়েদের ছেড়ে দিতে হয় ? হি—হি—হি—হি চল
একটু গঙ্গাজল স্পর্শ করা যাক ! ইহি—হি—হি—বেজায় শীত—

চাটুয্যো । আর স্পর্শ করবার দরকার কি ? গঙ্গা গঙ্গাতি যো ক্রয়াৎ
যোজনানাং শতৈরপি,—এতো এক রকম গঙ্গার গর্ভে দাঁড়িয়ে রয়েছি !
চল চল দেখিগে—মেয়েদের নান হ'ল বুঝ—

জনৈক ভিখারী । (সুরে) “হেলাতে রতন হারায়োনা মন—”

মুখ্যো । আরে ছত্তোর রতন—চল হে চাটুয্যো—ওদিকে দাঁড়াইগে—
(প্রস্থান)

জনৈক গাঁটকাটা । এক ব্যাটাও পকেট ভারি ক'রে আসেনি !
পর্কটা বাজে গেল দেখ'ছি । কোনো ব্যাটার পকেটে একটা চাবি,—কোন
ব্যাটার পকেটে নস্ত্রির ডিবে ! শীতকালে ট'য়াকে হাত দেবার যো নেই
—সব ব্যাটারা ঘেরাটোপ দিয়ে এসেছে—দেখি একটু ঘুরে ফিরে—

(প্রস্থান)

জনৈক যুবক । ওরে কেষ্ঠা—এই এদিকে—এদিকে ছাথ্ ! বাঃ—
বাঃ—মাইরি—ফাষ্ট্ কেলাস—

অপর যুবক । বা—বা—বেড়ে চিঙ্ তে! রে ! বোধ হয় কোনো
বড়লোকের বাড়ী থেকে এসেছে ! (সিস্ দেওয়া) তাইতোরে—এ দিকে
চায় না যে !

১ম । ও পাশে দেখ'ছিস্ ? ঐ যে নীলাশ্বরী কাপড় পরা—

২য় । কৈ—কৈ বল্ দিকি—

১ম। আরে—ঐ যে—সোণার চুড়ী হাতে—ঐ মুখে জল দিচ্ছে—

২য়। আরে তাইতো রে—এ যে একেবাবে ইছদীর বাচ্চা !

১ম। কেমন বাবা। তখন যে বড় আসতে চাওনি ? গঙ্গার ঘাটে
কত রং বেরংএর জিনিস দেখতে পাওয়া যায়—

জনৈক ভদ্রলোক। তাতো পাওয়া যায়। এ রকম নিজেব বাড়ীতেও
তো অনেক আছে—দেখতে পাবনা ?

১ম। কে হে তুমি ?

ভদ্রলোক। তোমাদেব ঘম। শালাবা। এখানে দাঁড়িয়ে ভদ্র
লোকের মেয়েদের ওপোব কুনজব ক'চ্ছ ? পাজী—

২য়। দে—দে—দেখুন মশাই—খববদার ব'লছি—

ভদ্রলোক। বেরো শালাবা এখান থেকে—ফের যদি—

১ম। আচ্ছা দেখে নেবো—আমবা ছুতোরপাড়ার ছেলে—

(প্রস্থান)

ভদ্রলোক। তা—আচরণেই বুঝিছি—

উড়ে পাণ্ডা। আস—আস—নীডবতন বাবু আসো—এত্তে দেবি
হলা কাঁইক ?

ভদ্রলোক। আরে বাপু। শীতকালে কি সহজে শেবরাতে
ঘুম ভাঙে ? (প্রস্থান)

নক বাঢ়াল। হ—হ—হ—হ—কি অইল ! ছ্যানাজা কোযানে
যাইল রে ? ও বারতচন্দব—ও বারতচন্দর—ওরে কুথারে। ৫
বারতচন্দব— (প্রস্থান)

(বামকমল ঘোষাল ও পদ্মলালের প্রবেশ)

রাম। ওবে পদা—

পদ্মা। (খব নশ্র লইয়া) কি বাবা—

রাম । মন্ন ব্যাটা—কা'কে কি বলে দেখ—

পদ্ম । (নস্টোর দ্বারা নাসিকা বন্ধ করিয়া) কেন ? তোমাকে বাবা ব'লছি—তাতে দোষ কি ?

রাম । দু'ব গাধা । মামাকে বাবা ব'লতে আছে ?

পদ্ম । রাব্—বাব্ । তা কি আছে ? বাবাকে বাবাইও ব'লছি, —বাবা বলব কেন ?

রাম । খুব কতকগুলো নাস্তি নাকে গেদোঁছিস বুঝি ?

পদ্ম । তা—না গাদ্লে চলবে কেন ? (নাক পরিষ্কার করিয়া)
তুমি এই শীতে পথে বসেই চার ছালিম গাঁজা ওড়ালে,—দ্বিবি বোমধান
হ'য়ে—সেঁা—সেঁা ক'বে চ'লে এসেচ,—আমার তো একটা কিছু চাই !

বাম । বকিসনি—বকিসনি—থাম । তুই এক কাজ কন্ন দিকি ।
পার্কি তো ?

পদ্ম । উছ ।

রাম । পার্কিনি ? ফস্ ক'বে “না” বলে ফেল্লি ।

পদ্ম । তা কি আবার ? ফস্ করে “হ্যা” বলে ফেলতে হবে—তার
ওপোর এই গঙ্গাতীরে দাঁড়িয়ে ?

রাম । ব'ল্বিনি ? আমি যে কাজ ক'র্তে ব'লব—তোকে তখুনি
তাই ক'র্তে হবে ! জানিস্—আমি তোর অন্নদাতা পিতৃতুল্য ?

পদ্ম । তা'হলে তোমাকে “বাবা” বলেই ডাকিনা কেন ?

রাম । ব্যাটা—মামাব বাড়ীর ভাত মারিস্—তার আবার অত
চোটপাট জবাব কিরে ছুঁচো ?

পদ্ম । ভাত অম্নি মারি—না ? আমার পাওনা নেই ?

বাম । তোর আবার পাওনা কিরে ? তোর বাবা ব্যাটা নেশা
ভাং ক'রে ঘরবাড়ীদোর বেচে সব উড়িয়ে পুড়িয়ে দিয়ে মোলো—তোর

মা তোর হাত ধ'রে আমার আশ্রয়ে এসে প'ড়ল ! বছর না যেতেই
রান্ধস ছেলে—মাকেও খেয়ে ফেলি ! আমি যদি বাড়ী থেকে আজ
তাড়িয়ে দিই,—তাহ'লে দাঁড়াস্ কোথা ?

পদ্ম । বল—বল—খুব বলে খাও । হুঁঃ—তাড়াবে ! তাড়াবে কি
মামা ? আমার সুদে আসলে টাকাগুলো সব চুকিয়ে দাও দিকি !

রাম । কিসের টাকা ? তোর আবার টাকা কিসের ?

পদ্ম । হুঁ—হুঁ—বাবা—সে খবর আর রাখিনি মামা ? আমার
বাবা—অর্থাৎ তোমার বোনাই,—তঁার বিয়ের সময়—তোমার বাবার কাছ
থেকে দেনা-পাওনার পাঁচশো টাকা কি সমস্ত চুকিয়ে পেয়েছিলেন ? বাবা
বিয়ের রাত্রে উঠে চলে আসেন আর কি ! ভাগ্যে তোমার বাবা একখানা
ছাওনোট্ লিখে দেয়—তাইতে তোমার বোনের বিয়ে হয় ! আমি যে
তোমাদের ভাত খাচ্ছি—সেই টাকার সুদ থেকে চ'লছে—তা জান ?

রাম । চুপ কর্ ব্যাটা—সকাল বেলা—গঙ্গাতীবে দাঁড়িয়ে মিথ্যে
কথা বলিস্নি ! আমার বাবার তো আব মাথা খারাপ ছিলনা—যে,
তোর বাবার মতন পাত্রকে ৫০০ নগদ দিয়ে মেয়ের বিয়ে দোবো ব'লে
ঠিক করোছল !

পদ্ম । ক'রেছিল কি না ক'রেছিল—কাল উকীলের বাড়ী থেকে
যখন টাকার দাবী দিয়ে চিঠি আসবে তখন নুসতে পারি !

রাম । কই সে ছাওনোট্ দেখি !

পদ্ম । হুঁ—হুঁ—মামা ! আমায় এমনি কাঁচা ছেলে পেলে কিনা !
আমি পাকা উকীলের জেম্মায় সে সমস্ত কাগজপত্র রেখে—এখানে তবে
গ্যাট্ হ'য়ে ব'সে আছি ।

রাম । ওরে ব্যাটা—তিনবছর হ'লেই ছাওনোট্ তামাদি হ'য়ে যায়
—সে খবর রেখোছস্ ?

পদ্ম । তা আর রাখিনি মামা ? নইলে—তুমি ম'লে বিষয় আশয় রক্ষা কর্ব কি ক'রে ? এতদিন তবে তোমার সেবা কচ্ছি কি জন্তে ? নিজের হাতে যে কত তোয়াজ ক'রে গাঁজা টিপে—সেজে খাওয়াই, সে কি তোমার ঐ কুঁচের মতন চক্ষু দুটির বাহার দেখবার জন্তে ? তুমিও নেশায় ভোম্ হ'য়ে পড়,—আর আমিও সেই সময় ছাওনোট্ সই করিয়ে নিই—

রাম । এঁ্যা—ব—ব—বলিস্ কিরে ব্যাটা ডাকাত ? তো'র পেটে পেটে এত বুদ্ধি ? ওরে ব্যাটা পাজি নচ্ছার—আমার সর্কনাশ কর্বার জন্তে কি দুধকলা দিয়ে কালসাপ পুষ্ছি ?

পদ্ম । দেখ মামা—গঙ্গাতীরে—গেরোণের দিন—ক'ল্কেতার সহরে এসে আমাকে রাগিওনা ব'লছি ! নইলে এই আমি উকীলের বাড়ী চ'ল্লুম—কালই নালিশ ক'রে দোবো—

রাম । ওরে—ওরে পদা ! বাপ, আমার—ধন আমার—নীলমণি—সোনার ষাছ ! আমার সঙ্গে তোমার এতটা শত্রুতা কেন বাবা ? ওরে বাবা—নালিশ কি রে বাবা ? আমি যে নালিশ-মকদ্দমা বড় ভয় করি বাবা ! আমি বে উকীলের নাম শুন্লেই মূর্ছা যাই রে বাপ ! বাবা—আমি যেমন ক'রে পারি তো'র টাকা চুকিয়ে দোবো—তোকে আর কখনো কিছু ব'লব না বাবা,—নালিশ ফালিস করিস্নি যাছ ! ওরে—তুই কি শেষে আমার কান্নায়ে ভাগ্নে হলি ?

পদ্ম । তুমি যদি কংসমামা হও—তাহ'লে কাজেই আমাকে তাই হ'তে হবে । যাক্—তোমার সে সব ভাবনা নেই ! এখনও আড়াই বৎসর সময় আছে—এর মধ্যে টাকাটা চুকিয়ে দেবার যোগাড় কর ! আর যেখানে সেখানে আমাকে তোমার অন্নদাস ব'লে পরিচয় দিওনা !

রাম । দুর্গা—দুর্গা—তোমাকে আমার মেসোমশাই ব'লে পরিচয়

দোবো বাবা—তুমি ভাবছ কেন ? এখন বোসো বাবা—তুমি আমার এই পোঁটলা পোঁটলা আগলে বোসো দিকি—আমি চট্ ক’রে একটা মুক্তিস্থানের ডুব দিয়ে আসি !

পদ্ম । ওঃ—মামা—বেজায় শীত—আর নেয়ে কাজ নেই !

রাম । বলিস্ কিরে ? দেশ থেকে গেরণের স্নান ক’র্ব ব’লে সমস্ত রাত হেঁটে এতটা পথ কল্কাতায় এলুম,—স্নান ক’র্ব না ?

পদ্ম । তা চলনা,—ঐ পাণ্ডাদের কাছে কাপড় চোপড় রেখে ছ’জনে স্নান করিগে—

রাম । আরে পাগল নাকি ? ও উড়ে ব্যাটারা মহাচোর ! ওদের কাছে কাপড় রাখলে এখুনি ছ’জনের দরুণ ছ’টো পয়সা নেবে !

পদ্ম । তা আজকের দিনে বামুনকে না হয় ছ’টো পয়সা দিলে ! পুণিয়া হবে—

রাম । ওরে—পুণিয়া কি আর অন্য রকমে করা যায়না ? আমি আস্ছি,—তুই পাচ মিনিট দাঁড়া না—একটা ডুব দিয়েই উঠে আস্ছি । আর ছাখ্—এই হাঁড়িটা খুলিস্নি—

পদ্ম । ওতে কি আছে মামা ?

রাম । শোন বলি ! গোলমাল করিস্নি । ওতে ছ’টো কেউটে সাপ ধ’রে এনেছি ;—কোম্পানিকে দিলে কিছু টাকা পাওয়া যায়—তাই নিয়ে যাচ্ছি ।

পদ্ম । এঁ্যা—ওরে বাবা—সাপ ? আমি ও কাছে রাখতে পার্বনা ! যদি কোন রকমে বেরিয়ে ফোস ক’রে কামড়ায় ?

রাম । ওরে পাগলা—তার কি আর যো আছে ? আমি সরা দিয়ে ছাখড়া দিয়ে দড়ী দিয়ে মুখটা কি রকম বেঁধেছি দেখতে পাচ্ছিস্ না ? তুই এক পাশে রেখে বোসে আগলানা,—তোার কোনো ভয় নেই ।

পদ্ম । বটে—বটে মামা ? কোম্পানির সাপ ধরে দিলে টাকা দেয় ? কেন ? ডাঁটা-চচ্চড়ী রেঁধে খায় বুঝি ?

রাম । কি করে—তারাই জানে বাবা ! তুই বোস্—দেখিস্—
কোথাও ঘাস্নি— (রামকমলের প্রশ্নান)

পদ্ম । ওঃ—ব্যাটা কি পাষণ্ড ! কেমন পড়ি কেড়ে গেল দেখেছ ?
নরাণাং মাতুলক্রমঃ ! ছু'জনেই মাতব্বর ! মিথ্যে কথা কারুর বাধেনা
বাবা ! কে জানে গঙ্গাতীরে—আর কে জানে শালগ্রাম হাতে ক'রে !
ব্যাটা হাঁড়ীটা সমস্ত পথটা ছুঁসিয়ারিতে নিয়ে এসেছে,—একবার দেখাই
যাক্—কি আছে ! (তাড়াতাড়ি হাঁড়ীর মুখ খুলিয়া) বা—হোয়া !
বা—হোয়া ! হো হো হো—বড় জ্বর ভোজ ! পো'টাক নতুন গুড়ের
মোণ্ডা ! ভোর বেলায় বড় ক্ষিদেই পেয়েছে (সন্দেহ ভঙ্গ) । আগে
মুখটা যেমন ছিল বেঁধে ফেলি ! (তথাকরণ) বাবা—পৃথিবীর কেউটে
সাপগুলো যদি সব এই রকম হয়—তা হ'লে আমি তো এখুনিই বোম্
ভোলানাথ হ'য়ে যাই ! ঐ ব্যাটা কাল্‌নিমে আস্ছে—

(রামকমলের পুনঃ প্রবেশ)

রাম । জয় গুরুগঙ্গা—জয় গুরুগঙ্গা । কই বাবা—পদ্মলাল—ইহি
—হি—হি—বেজায় শীত ! বাপ্ ! শরীরটা একেবারে কালিয়ে গেল !
হাঁড়ীটা ঠিক আছে তো বাবা—নাড়াচাড়া করনি তো ?

পদ্ম । বল কি মামা ? আমার প্রাণের ভয় নেই ? উঃ—ব্যাটারা
কি রকম ফোস ফোস কছে—একবার কাণ দিয়ে শোন না—

রাম । থাক্—থাক্—কিছু ভয় নেই ! তুই নান ক'রে আয় !

পদ্ম । মাপ কর মামা ! একে ম্যালেরিয়ার রোগী আমি—এই শীতে
ভোর রাতে ডুব দিলে, একেবারে স্তম্ভ স্তম্ভ সান্নিপাতিক ধ'র্কে ! তার

চেয়ে তুমি একটু তোমার গামছা নিংড়ে জল আমার হাতে দাও—আমি স্পর্শ করি। বলে “মন যব চাঙ্গা—কটোরামে গঙ্গা”—

রাম। তা বটে—তা বটে! তবে তাই কর! হ্যাঁচ্যাৎ পদা গঙ্গা নেয়ে পুণিা তো হ'ল—এখন দু'জনে দান ক'রে পুণিা করি আয় এই আমার কাছে একটা আধুলি আছে! আমি তোকে দান করি আবার তুই আমাকে দান করি!

পদ্ম। বাঃ—বাঃ—ঘরাঘরি? ঘরাঘরি? বেড়ে বুদ্ধি ক'রেছ মামা! বেঁচে থাক—বেঁচে থাক—আর তোমার প্রাতর্কাক্যে কি ব'লব বল! গাঁটের কড়ি গাঁটেই রইল—মামাখানে থেকে দু'ক্যাটাই দাতাকর্ণ দাও বাবা—আমি তো ভিথিরি বামুন—উপযুক্ত দানের পাত্র—দাও বাবা—ব্রাহ্মণকে দান কর বাবা—গেরোণের দিন—মহাপুণিা হবে!

রাম। (আধুলি প্রদান) এই দাও—তোমার দান কল্পম।

পদ্ম। (আধুলি গ্রহণপূর্বক) বেঁচে থাক বাবা—তোমার সশরীরে স্বর্গলাভ হোক—তুমি হনুমানচন্দ্রের মত অমরত্ব লাভ কর বাবা!

রাম। বেশ—বেশ পদ্মলাল! দিব্যি বলিছিস্। এইবার তুই দানপুণ্য কর—

পদ্ম। আমি? আমি আর কি করি মামা? তুমি দান কলেই—আমার করা হ'ল! তোমার বাড়বাড়ন্ত—ভালমন্দ হ'লেই আমার মঙ্গল! আমি ছেলেমানুষ—আমি কি দান ক'রি মামা?

রাম। এঁ্যা—বলিস্ কিরে? তুই দিবিনি?

পদ্ম। আহা—মামাগো—এমন অদৃষ্ট যদি করি তবে আমার এ উদ্দেশ্য হবে কেন?—পুণ্যবান্—ধান্মিক—ঈশ্বরজানিত লোক তুমি,—তোমার সঙ্গে কি আমার তুলনা? চল মামা—একবার সহরটা ঘুরে

যাই! মামা—কিছু পরস-কড়ি আছে? একটু জলযোগ করবার
যোগাড় করি,—দাওনা!

রাম। তোমার মুখে ঝাড়ু দোবো রে ব্যাটা চোর—জোচোর!

পদ্ম। কি—মামা! আমাকে চোর? আবার জোচোর? তবে
আজ সর্পাঘাতেই নিজের প্রাণ বিনাশ কর্ব—(হাঁড়ী ভাঙিল)

রাম। এঁয়া—কি—কি—কল্লি?

পদ্ম। ঐ—ঐ—ঐ সাপ দু'টো পালালো! মামা! সরে এসো
ঐ যায়—ঐ পালায়—সরো—সরো—উঃ—কি চকর রে বাবা!

(লোকজনের প্রবেশ)

লোকজন। কি হে—কি?

পদ্ম। সাপ—সাপ! পাক্সা সওয়া তিন হাত—

লোকজন। কৈ-কৈ কৈ হে— (লোকজনের প্রস্থান)

পদ্ম। ঐ—ঐ—ওদিকে—মামা—

রাম। যা—তুই দূর হ—তোর মুখদর্শন কর্ব না! (প্রস্থান)

দ্বিতীয় অঙ্ক

রাজপথ

খজুররস-বিক্রেতা ও তৎপত্নী

গীত

এনেছি, কলসী ভ'রে নিশিতোরে টাটকা খেজুররস।

এ সুধাসিক্ত বিন্দুপানেই হবে সবাই বশ ॥

একি মজা বঙ্গদেশে!

কাঁটা-অঙ্গ ভরা রসে,

(তার) কাটা ঘাড়ে, বাঁধা ভ'াড়ে, (মধু) প'ড়েছে টস্ টস্ ।

ঘুম ভাঙেনা দস্তি শীতে,
বেজায় বাবু আলিস্থিতে,
সেপটা ছেড়ে, গোট ফুঁড়ে খাও ঘটি দু'-দশ,
জবে, দেহ তাজা, পাবে মজা, রবেনা বিরস ॥

(গীতান্তে প্রস্থান)

(ঘোড়শীকাস্ত চৌধুরী ও জীবনধনের প্রবেশ)

জী। বাওয়া। (ক্রন্দন সুরে) ভুঁ-উ-উ—

ঘো। কির্যা বিটা—কি কোস্ ?

জী। উ কি বায় ?

ঘো। খাজুবগাছেব মাথাটা কাটছে—তাতে ভার বাধি দিছে।
সারারাত্তি বোস্ গরাইছে—স্বাই ভারে পষ্ছে। তাই হালাব পুত—
মানুষিরি করি লইষে খোয়াইছে !

জী। আম রোস খাইমু। হুঁ-উ-উ-উ—

ঘো। আবে—থু—থু—থু—এমন কথাডি কোসনা রে জীবনদন।
বন্দবনোক কি বোস্ খায ? কল্কাত্তাই বাবু বোস্ভরা—বসিকচুরামণি !
তারা খার-তাব বোস্ খাইখ্যা হজম কন্দি পারে। আগাগোণ বহুজ
ধাতে সইবে তো নি।

জী। বাওয়া। উডা কি যায ?

ঘো। আবে ইধাবে আগ ! সইবে আয ! গোরচন্দ্র ! গোরচন্দ্র !
আবে কাছে আয়—ছুস্না—ছুস্না—আরে জীবনদন—বাঙ্গা !

(ময়লাব ভার লইয়া মেথরের প্রবেশ)

মেথর। “পবদেশো গইলা বঁধুবা—হো-ও-ও” (ঘোড়শীকাস্তকে)
বাবু ! পূজাব বখ্ শিস্-উখ্ শিস্ কুছ না পাওয়া—

ঘো। আরে লে—লে—জন্দি ভাগ্ (টাকা প্রদান)

মেথর । সেলাম বাবু । তাঁবেদার আপ্নেকোহি—“আরে নরনামে
নিদ্ লাগ্লে হো-ও-ও ও” (মেথরের প্রস্থান)

জী । বাওয়া—চাদি , ছ—মাল নিছনা - ছ'-উ উ--

ষো । আবে চুপ দে—বাউবা ছা ওয়াল—চুপ !

জী । আমি উই খাব—ছ' উ উ—

ষো । আরে থু—থু—থু—নিব্বংশের পোলা—কি কইস্ ? থু—
থু—থু—

জী । আমি উই খাব—ছ' উ উ উ

ষো । আরে গরে চ অর্কাচীন । আর তোবে লইয়ে সরকে বার
হমুনা ! হালাব পুত ! গর্কসাব !

জী । তুমি টালা দিছ—খাবাব নিছ না ! আমারে লুকায়ে খাবে
—ছ'-উ-উ-উ-উ—

ষো । কি ? আমি মোবশীকান্ত চৌধুরী—পূর্ববঙ্গের জমিদার—
হাটখুলার শ্রেষ্ঠ আরব্দার,—চার কুরি এক মুদ্রা নগদ দিয়া তোর
গোবদাবিনীবে বিয়া কইরে গরে আন্ছি ! আমার পুত্র—আমার
ঔবসজাত হইয়া—আমারে অখাচ খাতি কোস্ ? যা দূব যা—আমার
পিও চাইনা—তুই মইবে যা ! তোর গলার পা দিয়া—তোর মুয়ের
মধ্যে হস্ত পুরাইয়ে—তোর নারিভুরি টাইনে লইয়ে—তোর ছাহ শুক
ক'রে দিমু ! পাজি—অপগও—বুত !

জী । ছ'—উ-উ—আমি উই খাব—ছ'-উ-উ উ

(ভূমিতে পড়িয়া গড়াগড়)

(রামকমল ও পদ্মলালের প্রবেশ)

প । (তাড়াতাড়ি জীবনকে উঠাইয়া) আহা—হা—সোনার চাদ

ছেলে ! বাবুজি ! ছেলেটাকে মার্কেন না—মার্কেন না—বড় সুলক্ষণ
ছেলে আপনার—

ষো । আর—ছাড়ান্ দাও কুর্শা ! উ গোডারে আমি ত্যজ্যপুতুর
করমু ।

প । সেকি—সেকি—বাবু মশাই ? পেটের ছেলে আপনার !
হুধের ছেলে—ননীর গোপাল—এখনও আঁতুড়ে গন্ধ গায়ে বসেছে ! এর
ওপোব কি রাগ ক'র্তে আছে বাবুজি ? আমার কাছে তো বেশ ঠাণ্ডা
হ'য়ে আছে ! আহা—বাজপুতুব—বাজপুতুর—

রাম । বাবুজি ! আপনি রাজালোক—ছেলে সঙ্গে বেড়াতে বেরিয়েছেন !
একটা ভাল চাকর নেই আপনার যে ছেলেকে আগ্ লায়—দেখে শোনে ?

ষো । আরে হুঃখের কথা কও ক্যান্ ? আজ পাচ বোৎসর নি
হালার কল্কাতা আস্ছি । একডা বালো চাকরও জুট্ছে না,—একডা
হালুইকর ব্রাহ্মণও জুট্ছে না—ববই মুন্সিল হইছে ।

রাম । কিরে পদা ? কল্কাতায় চাকরি করি ব'ল্ছিলা—এ'ব
কাছে থাকবি ?

প । একুণি—একুণি । বাবুজি । আমায় বাথবেন ?

ষো । তোমরা কন্নে আস্ছা ? কি জাত ?

বাম । আঙ্কে—আমি নৈকন্ড কুলীন ব্রাহ্মণ । এই সহবের সন্নিকটে
বন্তিপুর গ্রামে আমাদের বাসস্থান ।

প । মামা ! তুমি বাবুজির সঙ্গে কথাবার্তা ক'বে সব ঠিক কর,—
আমি রাজপুতুরকে একটু ভুলিয়ে নিয়ে আসি । এস খোকা—ঘোড়া
দেখিয়ে আনি ।

জী । আমি শুবা ধাইমু—হঁ—উ-উ-উ—

(পদ্মলাল ও জীবনধনের প্রস্থান)

ষো। বাঃ—বোরো হসিয়ার চালাক লোক দেহি তো! বোরো জ্বর লোক পাইছি! কও ঠাউরজি! কতো ব্যাতোন দিবার হবে?

রাম। আজে—বাবুজি! ওকে বেতন দিলে রাখতে পারেন না! টাকাটা হাতে পাবে—আর সব কাজকর্ম ফেলে—আপনার বাড়ী থেকে পালাবে।

ষো। চোর ছ্যাচর নাকি?

রাম। নাঃ—তা নয়। পরের এক পয়সা নেবেনা, বরং নিজের গাঁটের পয়সা থেকে আপনাকে জিনিসপত্রর এনে দেবে! গুণ অনেক। একা পঞ্চাশ জনের রকমারি রান্না রাধবে,—কাঠ কাটবে—জন তুলবে—তামাক সাজবে—ঘরঝাঁট দেবে,—দশবার বিশবার বাজার আনাগোনা ক'রে—বিছানা পাতবে—গা হাত পা টিপে দেবে—

ষো। বটে—বটে! আমি এই প্রকারই চাই। ব্যাতোন কিছুই লবে না?

রাম। বেতন নেবেনা। ওটা গরীবের সম্মান—অর্থাভাবে ওর বাপ-মা আমাকে ছেলেবেলায় বিক্রী ক'রেছিল। আমি ওকে দু'শো টাকা দিয়ে কিনে আজ বিশ বৎসর বাবৎ বাড়ীতে থাইয়ে দাইয়ে মানুষ ক'রছি। আমাকে পুষিয়ে দিলেই—আমি আপনাকে বিক্রী ক'রে যাই।

ষো। বেশ কইছ—ঠিক সলা কইছ। কও ঠাউর—তোমারে কত টাহা দিয়ু—কও—

রাম। আমাকে তিনশো খানি টাকা দিলেই ওকে ছেড়ে দিয়ে চ'লে যাই। ব্রাহ্মণপণ্ডিত মানুষ,—বেশী অর্থলোভ রাখিনা মশাই!

ষো। তিনশত টা—হা! বরই বেশী হইছে—

রাম। ওর একটা আধলা কম নয়। ইচ্ছে হয় রাখুন,—না ইচ্ছে হয়—আমি অন্ত্র বেচিগে—

যো। আচ্ছা—তাই দিযু। তিনশত টাহাই দিযু—

রাম। মোদাৎ ওকে কিছু এখন ব'লবেন না! ও যদি শোনে যে আমি এত কম টাকায় ওকে বেচ্ছি—ও কিছুতেই থাকবে না। ও ব'লবে—হু'হাজার পাঁচহাজার দাও—

যো। হঃ—ঝারু দিযু! আমি বজ্জ,—টাহা খুবই বুঝি! ওয়ার সাথে আমার টাহার কথায় আবশ্যক কি?

রাম। চলুন—আপনার বাড়ীতে ব'সে লেখাপড়া ক'রে দিইগে! ঐ আসছে—

(পদ্মলাল ও জীবনধনের পুনঃ প্রবেশ)

যো। আরে জীবন—কি খাইছ?

জী। গুজা খাইছি! বামুন গুজা কিনে দিছে—

যো। আরে বর্কর! কর্জ করি গুজা খাইছ? কাগের বিষ্ঠা খাইছ?

জী। এই বামুনডা পয়সা দিছে—

প। থাক্—থাক্—বাবুজি! মনিবের ছেলেকে হু'পয়সা খাবার কিনে দিইছি—আমার ছাপান্ন পুরুষ স্বর্গে গেছে!

রাম। কি বাবুমশাই—কেমন চাকর?

যো। আইস—আইস—বাসায় আইস—

প। (জনান্তিকে রামকমলকে) মামা! আজকের খ্যাটটা বাগিয়েছ তো? বেশ বাবা—বেশ!

রাম। তোর কেমন চাকরি ক'রে দিইছি—দেখ্‌বি এখন রে বেটা! তুই যেমন চিরদিন আমার পেছনে লাগিস্—আমি তো আর তা পার্কনা!

প। কেন মামা—আমি কি ফিল্ডে?

জী। বাওরা—ঘরে যাইযু! হু-উ-উ-উ—

যো। চ—চ—আর বায়না ধরিস্ না— (সকলের প্রস্থান)

তৃতীয় অঙ্ক

বড়বাজার

(তঁাতিনীগণের প্রবেশ)

গীত

এ'নয়—এক টাকার চারখানা ।

সস্তাদরে কস্তাপেড়ে চাইলে তো পাবে না ॥

আচ্ছা রকম সঁাচা জরির কাজ করা পাড়ে.

আঁচল দেখে—পাগল পতি পড়বে আছাড়ে :

(গায়) ধ'বে ভেড়ে, ছেড়ে যেতে—কিছুতে তো চাইবে না

রঙ্গভরা মে অনঙ্গ,

মলয়-পবন নিয়ে সঙ্গ,

হাওয়ার বসন-ঢাকা অঙ্গ, দেখে মানা মান্বে না

লাজভঙ্গে প্রেম-ভরঙ্গে ক'রবে কত কারখানা ॥

(গীতান্তে প্রস্থান)

(রামকমলের প্রবেশ)

রাম । বরাংটা ঝাঁ ক'রে ফিরিয়ে নিইছি বাবা ! ব্যাটা পদ্মাকে
আচ্ছা জবে ফেলেছি কিন্তু ! এইবার বাছাধন মঞ্জাটী টের পাবেন ।
মামাকে ফাঁকি দেওয়া—মামার সন্দেশের হাঁড়ী ওজোড় করা—মামার
আধুলি বাজেয়াপ্ত করার যে কি ফল—এইবার যাদুমণি হাড়ে হাড়ে
বুঝতে পার্বেন ! ও এমন বাঙাল নয় বাবা ! করুকরে তিন—তিনশো
টাকা গুণে দিয়েছে,—খানে চালে খাওয়াবে ! যাক্—এইবার বর-শক্রের
হাত থেকে নিষ্কৃতি পেয়ে—দেশে গিয়ে গ্যাট হ'য়ে বসিগে । গায়ের
কাপড়, জামা, জুতো, ধুতি—এ সবতে মোট ৩১॥/১৫ খরচ হ'য়েছে ।

আর বাজে খরচ কচ্ছিনা। এইবারে টাকাগুলো কোসে পোঁটলা বেঁধে নিই। তারপর দেশে গিয়ে বলিগে—পদা গঙ্গাঘ ডুবে মরেছে। ব্যাটার কাঁদবার ভেতোর তো তিন কুলে এক আমি!

(জনৈক জুয়াচোরের প্রবেশ)

জুয়া। মশাই! খুব সাবধান—বুয়েছেন?

রাম। এঁ্যা—এঁ্যা—কে—কে—কেন বাবা?

জুয়া। ঐ যে বল্লম—খুব সাবধান! বুয়েছেন?

রাম। এঁ্যা—তা—তা—তা—কি—কি—কি করিছি—

জুয়া। সেকি আর বুঝতে পাচ্ছেন না? কি ক'রেছেন—তা কি আর মনে মনে জানতে পাচ্ছেন না?

রাম। এঁ্যা—কি—কি—কি জানব? আমি গরীব ব্রাহ্মণ—উচ্চ—ভদ্রলোক—সহবে এইছি—

জুয়া। সহরে এসেছেন—তা তো দেখিছি! বডবাজাবটা ঘুবে তোড়া তোড়া নোট বের ক'বে জামা কাপড় জুতো কিনলেন—তাও দেখিছি! (চুপি চুপি) বলি—টাকাটা কাব—সেটা মনে আছে?

রাম। কা—কা—কার আবার? আমায় তো দিয়েছে!

জুয়া। হ্যা—দিয়েছে বই কি! আমায় লুকোলে হবে কি? চতুর্দিকে যে ঢাক বেজে গেছে! পুলিশে যে জানাজানি হ'বে গেছে—গোয়েন্দা যে ছুটোছুটি ক'চ্ছে--

রাম। ওবে বাবা—ওবে বাবা! এঁ্যা—সেকি বে? না—না—আমি নয়—আমি কিছু জানিনা—

জুয়া। বলি—কত টাকা নিয়েছ?

রাম। এঁ্যা—দোহাই বাবা—দোহাই বাবা—

জুয়া। বলি—বুয়েছ—যদি বাচতে চাও—আমার সঙ্গে চুপি চুপি

চলে এস। আমার কাছে কোনও ভয় নেই! নইলে ব্রাহ্মণ মান্বে না—
—একেবারে পাঁচ বছর ঠেলে দেবে—

রাম। ওরে বাবারে—কোথা যাবরে—

জুয়া। দেখ—চাঁচামেচি কর তো—আমিই ধরিয়ে দোবো! চুপি
চুপি আমার সঙ্গে চল—কোনও ভয় নেই! আমি তোমাকে ডানা ঢাকা
দিয়ে রেখে দোবো।

রাম। বাবা—রক্ষা কর বাবা—আমার বথাসর্বস্ব নাও বাবা—
আমাকে পুলিশে দিওনা বাবা—

জুয়া। আচ্ছা—চুপ্ ক'রে আমার সঙ্গে চ'লে এস—

রাম। হায়রে কপাল—

(উভয়ের প্রস্থান)

চতুর্থ দৃশ্য

ষোড়শীকান্তের বাটার রন্ধনশালা

(ষোড়শীকান্তের প্রবেশ)

ষো। আরে হু হু কইর্যা চুলা জ্বলছে! এ পোন্দো ছুরাডা গেল
কোয়ানে? ওরে জি—ওরে জি—ওরে পোন্দো! আরে—সব ময়ছে!
অ মাতুদন! অ কর্তী—

(মাতঙ্গিনীর প্রবেশ)

মাত। আরে কও কর্তী—এত ডাক পারাপারি করছ ক্যান?
হুনার মত চিচাচ্ছ কিসের লেগে—কওতো?

ষো। আরে কর্তী—জাহ আইসে! চুল্লা জন্তি লেগেছে—সে হালার পুত হালা বামুন চ্যাংরাডা গেল কোয়ানে?

মাত। তোমার চুল্লা জন্তি গেছে—পোড়ারমুখ! আমি তারে মাথার ফিতা কিন্তি পাঠাইছি,—চান্ কইরে চুল বাদতে পারছিনা,— আর তুমি হনুমান মুখ খিচাইচ?

ষো। হঃ—তুমি পাঠাইছ? তাই কও! আমার গাট্ হইছে কর্তী! দন্ আমার! গোসা কইরোনা! তোমার কামের লেগে—চুল্লা তো দূরের কথা—আমার সর্ব্ব আরং দনদোলং জইলে যাক্—তাও মানিনা! তুমি আমার সর্ব্বস্বদন,—তুমি আমার দেবদেবী—দুর্গাকালী—জোগদ্ধাত্রী—কাঙ্কিক গণেশ—লক্ষ্মী সরস্বতী—

মাত। কোর্তা! আজ আমারে গোরের মাটে বাস্কুপ দেহাবে চল!

ষো। দেহাব অ্যানে মানিক! তোমারে কি না দেখাইছি মাতুরাণী? বাস্কুপ—খুটুকুপ—দরীকুপ—বোরদৌর—সারকস্—খাটার—এই শীতে সব দেখাইমু কও—

মাত। (শিশুর ঞায় ক্রন্দন-সুরে) হুঁ—উ—কোর্তা! আমি একদিন চিরিয়াখানা দেখতে যামু—

ষো। সেতো গরে বইশ্চা দেহাতে পারি মাতুদন! আমি বাদর নাচ নাচ্তি পারি—গাদার ডাক ডাক্তি পারি—উল্লুক সাজে উকু উকু কর্তি পারি—

মাত। কোর্তা! আমারে এক কোটা হুটেলের বিস্কাট্ আনায়ে দাও—আমি আর আমার জীবনদন কুষ্ কুষ্ কইরে তোমার কাছে বইশ্চা বইশ্চা খাইমু।

ষো। আরে—তার জন্ম চিন্তা কি মাতুদন? আমি তোমারে

আংরেজের হুটেল শুক খাওয়াইয়ে দিযু ! মাতু—রাণী ! পরাণ আমার !
সেই গীতটা একবার শুনায়ে ছাও মাণিক !

মাত। না—হু—উ—উ—আমার লাজ লাগে—

ষো। আমাব মাথার কির্যা—গাও—দন—যার আমাব—

মাত। গীত

আর নে কুলে রবনা লো সই ।

আমি, নভেছি কালারি প্রেমে, তোরে চুপ চুপ কই ।

কাজ কিলে এ ছার পিঁও

পাইয়েছি সেই বিবপতি,

আমার, সেই চরণে মতিগতি,—

গানিনা সে রূপ বই ,

নে, বাজয়ে বাশা, ক'বন দাসী.

আর ত' আমি কারও নই ॥

(জীবনধনের প্রবেশ)

জী। মা—খিদা পাঠছে—হু—উ—উ—

মাত। আবে চুপ দে। এই খাবার দিছি—আবাব খিদা পাঠছে ?

ষো। আরে এ বিটা পোন্দো কত দেরী না কব্ছে ? ত'গজ ফিতা

আনতে এতডা বেলা হবে ক্যান ?

মাত। ফিতা আনবে, পাউডর আনবে,—শ্রাবণুর আনবে—তোরল
আলতা আনবে.—আমার ছয় আনাব জলখাবার আনবে—তবে তো
আনবে কোর্তা !

জী। হুই পোন্দো আনুছে—আমি ঠুঙ্গার খাবার পাইযু—হু—উ—উ ।

(দ্রব্যাদি লইয়া পদ্মলালের প্রবেশ)

ষো। আরে কত বেলা করুছিস্ ? রান্না কর্তি হবেনা ?

প। তা বইকি ! বড় অপরাধ আমার ! পঞ্চাশ দোকান ঘুরে

যুরে জিনিস কিন্ব—বোয়ে নিয়ে আন্ব—আর অম্নি এক নিখেসে
বাড়ী পৌছে যাব ? তা নইলে আব সুখ হবে কেন ?

যো। (ধমক দিঘা) আবে চুপ্ থাক। জবাব কবিস্ না। সব
কাম্ ঝট্ কর্ত্তি হবেনা ? মাগ্না তোরে কিন্ছি বটে ? তিনশত টাছা
তোব মহাজনেবে গণে দিছি—জানিস্ ব্যাকুব ?

প। তা বখন দিযেছেন—তখন তো আব আমি কোনো কাজে
আপত্তি কবাছনা। গাধার মতন নাকে দড়ী দিযে তা' খাটিযে নিচ্ছেন—

মাত। কোর্ত্তা। ছোবাডা বড কাজেব লাযেক। উযারে কিছু
কোযোনা। ঠাউর। আজ হিলসে মাছেব কাচা মাথা ভাল কইব্যা
ঝল্সাযে লবণ তৈল মাথাযে—আমারে খুব বেশা কইব্যা দিবে।

যো। আমাবে লোণা হিলসার টব পাত্র ভইবে দিবে—

জী। আমারে গুগ্‌লিব ঝোল এক ঘটী দিবে—হু' উ উ—মা।
খাবাব—হু' উ উ—

(পদ্মলাল ব্যতীত সকলেব প্রস্থান)

প। মামা ব্যাটা খুব এক চাল চেলে গেছে। আশ্চর্য্য ব্যাটার
কাণ্ড। আমি এমন জাঁহাজ—ব্যাটা আমাকে কিনা এক লহমায়
জানোয়ার বানিযে—গলায় শেকল দিযে সবে পোডলো ? আছা,—দেখা
যাক। একটা ফিকিষ ভে। খাটিযেছি। বাপ। এ শালা বাডালের
বাড়ীতে খেটে খেটে পাঁচ সাত দিনে চেহাবা হ'যেছে দেখনা। সকাল
ছ'টা থেকে বেলা দু'টো অবধি হাঁডি ঠেলছি—আবার সন্ধ্য থেকে
বাত্তিব এগাবটা পর্যন্ত এই বারাববে। তাব ভেতোর বাজাব যাওয়া
আছে—ঘবঝাঁট দেওয়া আছে—তামাক সাজা আছে ! বায়ুন ব'লে
তো ব্যাটাখা মানেই না। সব পারি বাবা—এরকম বেযাডা রান্না
রোধে তো আর প্রাণ বাঁচেনা। ইলিস মাছ পোডা,—নোণা ইলিস

ভাতে—গুগ্লির ঝোল—শোল মাছ ঝলসানো ! বলিহারি রুচিকে !
রাগ্নাগুলো যা বাকি আছে চাপিয়ে দিইগে— (তথাকরণ)

এইবার আমি এক চাল চালি—

(মুসলমান-সজ্জায় নেমাজ পাঠকরণ ও মাঝে মাঝে

‘আল্লা’ বলিয়া চীৎকার)

(স্মির প্রবেশ)

স্মি । কোথাগো বামুন ঠাকুর ? রাগ্নাবান্না হ’ল ? বেলা বে চের
হ’য়েছে ! ছেলেপুলে কড়াগিন্নী—ওমা ! এ আবার কি চং ? ছোড়া
‘আচ্ছা নুকুলে তো দেখছি’, ও বামুন-ঠাকুর ! আরে কথা কওনা
যে ? ওমা—কাছা খুলে ওঠবোস্ কর্তে লাগলো যে গো ? এঁ্যা—
একি নেমাজ পোড়ছে নাকি ? ওমা—বামুনের ছেলে নেমাজ করে কি
গো ? ও বামুন ঠাকুর ! আরে রক্ত রাখ—বেলা হ’ল—সবার ভাত
বাড়ো ! ওমা ! এযে ঠিক মোছলমানের মতন নেমাজ করে গো !
এঁ্যা—একি সত্যি মোছলমান নাকি ? হুঁ—তাই হবে । নইলে
একমনে উঠছে, ব’স্ছে, হেঁট হ’ছে, আকাশ পানে চাইছে ? ওমা—কি
সর্কনাশ ! বাঙাল শেষে একটা মোছলমানকে বামুন ব’লে রাখলে ?
ওমা—কি হবে গো ! ওগো—আজ ক’দিন যে ওর রাগ্না—বড় বড় গরাস্
ক’রে খেয়েছি ! ওগো—কি হ’ল গো ! পোড়াকপালি কাতি আমাকে
কা’র ঘরে চাকরি ক’রে দিলে গো ! আজ বাঙালের মুখে আমি হুড়ো
জাল্ব তবে ছাড়ব—

(ঘোড়নীকান্ত ও মাতঙ্গিনীর প্রবেশ)

ঘো । কি র্যা মাগী—কি হইছে !

মা । কি হইছে স্মি ?

ঝি। আমার গুটির মাথা হইছে! বলি—কি সর্কনাশ ক'রেছ? কাকে ভাত র'ধতে এনেছ?

যো। আরে—হস্—হস্—ও ছোরা! ও হারহাবাতে! চালাক কচ্ছ? সং দিছ? রং দেখাইছ? আরে হস্—শ্রা—হস্—

(ধাক্কা দেওন)

প। কি করেন কর্তা? আল্লার নাম নিচ্ছি, ভগবানকে ডাকছি—হুপুরে নেমাজ পড়ছি—তাতে তোমার ক্ষতি কি হ'ল?

যো। নেমাজ প'রুবি কির্যা বিটা?

প। তোমার হিঁচু জাতে আহিক-পূজো করেনা?

ঝি। ঐ শোনো গো—শোনো! হায় হায়—আমি তখনি বুঝিছিলুম যে মোছলমান না হ'লে অত কর্ম্ম কি মানুষে পারে গা?

যো। আরে কি কইস্ পাষও? তুই কি মুসলমান নাহি?

প। তা কি কর্ব? আল্লা বাকে যা করেছেন!

মা। আরে খু—খু—খু—ওয়াক্—কি অইল রে—

যো। আরে চুপ্ চুপ্ কর্তা—

ঝি। ওমা—চুপ্ কি গো? জাত গেল—ধর্ম্ম গেল—আবার চুপ্? মস্ মিলে বান্দাল—

যো। আরে চুপ্—চুপ্—জি! তোর পায়ে ধম্টি! চুপ্ কর্—হাল্ডা মালুম কর্তি দে! আরে অ—ছোরা! শোন্ দিহি—তোর বারী কুথা?

প। বাড়ী আমার চাটগা। আমার বাপ মা নাম রেখেছিল—পদ্মআলি রোসুমখা! বামুনের কাছে চাকরি কর্তুম—তার জমিতে নাঙল দিতুম—আর মাঠে ঘর বেঁধে পোড়ে থাকতুম। বামুন আমাকে বড় ভালবাসতো গো! আমিও 'মামু—মামু' ব'লতে অভ্যাস হতুম!

আহা—কি কর্বে বল ! ভালমানুষের ছেলের টাকার দরকার হ'ল—
আমাকে তাই বেচে গেল—

ষো। তুই বিটা আমারে এ কথা কইস্ নাই ক্যান্ ?

প। আমি কি কইব ? তুমি মাল খরিদ ক'রেছ—যাচাই ক'রে
নাওনি কেন ? সেটা বুঝি আমার দোষ ? তুমি কি আমার তখন
কোনো কথা জিজ্ঞাসা ক'রেছিলে ? তুমিও কিছু জিজ্ঞাসা করনি—
আমিও কিছু তোমাকে বলিনি ! বলি, হিঁদুব বাড়ী না হয় চাকরিই
ক'ছি—তা ব'লে তো আর ধর্মকন্ম ছাড়তে পারিনা। যেখানেই থাকি
না কেন, —দিনে তিনবার আমাদের আল্লানাম নিতেই হবে।

ঝি। অরে অ মুখপোড়া মোছলমান ! আমাদের এমন সর্বনাশ
কলি কেন ? তোর হাতের ভাত খাইয়ে ইহকাল পরকাল সব খেলি রে
সর্বনেশে ?

প। আবে চুপ্ কর্ মাগী ! আজ কাল আবার হিঁদুদের জাত-
ধর্মের বিচার আছে ? কত বড় বড় বাবুভায়াদের মুসলমানের রান্না না
হ'লে মুখে কিছুই রোচেনা। বাড়ীতে বাড়ীতে সব মাইনে করা বাবুচ্চি
রেখেছে—তা জানিস্ মাগী ?

ঝি। আমি এখনি থানায় চল্লম—এই বাঙালের নামে না'লিশ কর্ —

মা। অ জি—আরে র-র-র ! একটু চুপু চুপু কথা ক'। এখনি
যদি পল্লীর লোকজন শুনে তো আমাগোর জাতি যাইবে—

ষো। তোর পায়ে দরি—জি মা—রইকা কর্—আমি বত টাহা
লাগে দিমু—তোরে প্রাচিন্তির করামু—তোরে রাজরানী কইর্যা
ছাশে পাঠারে দিমু—তোরে কাশী গয়া শ্রীক্ষাত্তর যা'বার খরচা
দিমু !

প। কর্তা ! আর গোলমালে কাজ কি ? আজকে যখন রান্না

বান্ধা হ'য়েছে—তখন এ বেলা চোককান বুঁজে ভাতগুনু খেয়ে
ফেলুন—

ঝি। ঝ্যাটা মার—ব্যাটা পাতি কমনেকার! আবার কর্তার
সুসার কর্তে এল! তুই আপনিই সব গেল—রাফোস! ও গো-রক্ত—
কেউ ছোবে না—

ষো। অ—জি—আরে—আর কেজিয়ে করিস্ ক্যান? আরে
পোন্দো—বাবা—চল্ তোরে আমি হাজার টাহা দিচ্ছি,—তুই এখনই
কলকাতা ছাইর্যা ছাশে যা বাপ্—আর এক দণ্ড এহানে থাকিস্ না—

প। আঙ্কে—সেকি? আমি আপনার কেনা গোলাম—

ষো। আরে বাবা—তোর প্যাগবরের দুহাই—তুই আপন ছাশে
যা! আয় আমার সাথে—আমি এহনই টাহা দিমু—

মা। ছি—ছি—ছি—এত সাধের জাত—শাষ্ মুসলমানে মারুলে?
কোরানে যামু—কোরানে যামু গো—

ঝি। চুলোয় যামু—আর কোরানে যামু—ওগো—কি পাপ করি-
ছিলুম গো! ওগো—গতর খাটাতে এসে জাত গেল গো! আঃ তোর
বাঙালের মাথার মারি খ্যাংরা—

(সকলের প্রস্থান)

শপ্তম অঙ্ক

বৈষ্ণবপুর—বামকমলের বাটার সম্মুখ

বিবাহিণী—গ্রাম্যনাটীগণ

গীত

আমাদের ভাল খোচে না মুখে ।

আমরা ক্যান্ডে মার আশাটা ধরে আছি সনাতন ক্রমে ॥

মোজগার আশে, 'বরসে, বাদিয়ে গেছে সে

বিনা পাঁচ, হাং বুভা, বাচে গো কিসে

আমরা মরি হতাশে

দিন গন ছি যে বান' ,—

কবে ছুটি পেয়ে আনবে ধয়ে, জুড়াব টাদমুগ দেখে ॥

যদি থাকে ভাল ঢাকা গেলে, হয়ে গো দেদার,

কিন্তু 'গলে এমন, সুখের যৌবন, আসবে কি আবার ?

জ্বালা সন্ন্যাসী লো যে আর,

গলে ছাড়ব না এবার ,—

বামকমল এ পোড়া চাকরি,—

সেই বা আছে কি স্মরণ ?

(গীতান্তে প্রস্থান)

(বিমলা ও ক্ষেত্রপিসী ব প্রবেশ)

বি । সত্যি বলছি স্যার পিসি ! আমার বড় ভয় হ'য়েছে ! এরা
মামা ভাগনে ছু'জনে গোবোণেব চানু কস্তে গেল,— প্রায় আট ন' দিন
হ'ল—আজও দেখা নেই ?

ক্ষে। তা তো বৃষ্টি মা! কি করব বল! কোথায় গিয়ে আছে তা জানলেও বা চিঠি লিখে—না হয়—লোক পাঠিয়ে খবর নিতুম।

বি। কি করি বল দিকি পিসিমা? ভাবনার আমাব রেতে ঘুম নেই—দিনে সোবাস্তি নেই। ভাতে হাতে করি মাত্র—

ক্ষে। আহা—তা তো বটেই মা। কথায় বলে—“ভাতার পুত।” তার বাড়া আব কি কিছু আছে গা?

বি। তবু যাহোক তুমি রাত্রিদিন এসে আগলে থাক—তাইতে এক বকম আছি। নইলে, মহাবিপদে প’ড়তুম আর কি। ইঁা ক্ষান্তপিসি। ক’লকাতায় কি কেউ যাবেনা গা? তা’কে দিয়ে একবার পববটা না হয় নাওনা।

ক্ষে। তা’ কি আব না নিচ্ছি মা? তুমি এত ক’রে খেতে দিচ্ছ—যত্ন ক’চ্ছ—আযিত্তি ক’চ্ছ,—আব এ উপকাবটা কি না কচ্ছি মা? তলে তলে সন্ধান নিচ্ছি—কে এল—কে গেল—কে আসছে—কে যাচ্ছে। তুমি নিশ্চিন্তি হ’য়ে থাও—দাও—বোসো—ঘুমোও—দাঁড়াও—বেড়াও—গল্প কর—সপ্ন কর—

বি। পিসি! তুমি বড বাজে ব’ক্ছ বাছা—

ক্ষে। ইঁা মা—তা ব’ক্ছি বৈকি মা। ঐ তো আমাব রোগ! এই জন্মে যে তোমার পিস্বশুব কত খবচ ক’বেছিল,—কত পূজো—কত হত্যে দিয়েছিল—তা আব বলবাব কথা নয়।

বি। কি বল বাপু—আমার ভাল লাগেনা! কথা শুন্লে গা জলে’ যায়।

ক্ষে। তা জলবে বৈকি মা। তোমাব তো শুধু গা জলে—আমি কথায় চুলো পর্যন্ত জালিয়ে দিইছি!

বি। কলকাতায় গেল! গাড়ী ষোড়া চারিধারে,—গোরার দল

যুচ্ছে ফিচ্ছে,—বদ্মায়েস গুণ্ডা অলিতে গলিতে,—নষ্ট-ছুষ্ট মাগীরা পথে
পথে,—কি যে হ'ল—

কে। যা হবার ঠিক তাই হ'য়েছে—তার ভুলে আর ভাবনা কি
বোমা ? ওমা । ঐযে পদা আসছে না ?

বি। এঁ্যা—এঁ্যা—তাইত ! ওমা—ওকি গো !

(পদ্মলালের কাছা গলায় দিয়া প্রবেশ)

প। (চীৎকার পূর্বক) ওগো মামীগো—

বি। ওরে—পদারে—কিবে—

কে। ওগো বাবাগো—কি হ'ল গো—

প। ওগো মামীগো—মামাকে—ওহো—হো—

বি। ওবে বাবারে কি সর্বনাশ হ'লরে—

প। ওগো—মামাকে কুমীবে নিয়ে—ওরে বাবারে—

বি। ওগো মামাগো—আমার কি সর্বনাশ হ'ল গো—

(প্রতিবাসী স্ত্রী-পুরুষগণের প্রবেশ)

১ পু। কিবে পদা—ব্যাপাব কি ?

প। আর ব্যাপাব । ওগো—টান্দে গেরোণ লাগেনি গো । আমার
মামা-টান্দে কুমীর-রাছ গিলেছে গো ! হায়—হায়—হায়—

বি। ওগো—আমায় ফেলে কোথা গেলে গো—

প। আর কোথায় গো । একেবারে শালা কুমীরের পেটে গো !

আহা-হা—মামা আমাব কিছু জান্তো না গো—

স্ত্রীগণ। আহা-হা—এমন সর্বনাশও হয় গা ?

১ম পু। ওগো ক্যান্ড পিসি—বোঁঠাকরণকে ধ'রে বাড়ীর ভেতর
নিষে যাও ! যাও সব—তোমরাও যাও—

স্ত্রীগণ। আহা—চল দিদি—বাড়ীর ভেতর চল—

১ম পু।

ক্ষে। আহা—এই যে এতক্ষণ কত গল্প হ'ছিল গো—আর হুড়ুৎ ক'রে অগ্নি মড়াকান্না উঠলো গো—

বি। ওরে পদারে—তোমার মামাকে কোথায় রেখে এলি রে! ওরে—তুই আমাকে এই সর্বনেশে খবর দিতে ফিরে এলিরে পদা—

প। মামীগো—আমি কি ফিরে আসতুম গো? কুমীর শালা মামাকে নিয়েই সরে' গেল গো—শালা আমার দিকে ফিরেও চাইলে না—আমাকে নিলেও না! আমি না এলে কে তোমায় খবর দেবে গো মামী?

১ম স্ত্রী। ওরে পদা—চুপ্ কর—চুপ্ কর—

প। ওগো রাজা দিদি গো—আমি যে চুপ কর্তে পাচ্ছি না গো! ওগো—মামা যে আমার বড় ভালবাসতো গো—আমাকে একদণ্ড ছেড়ে থাকতে পারতেন না গো—আমাকে মুখের খাবার খাওয়াতো গো!

বি। ওগো—আমায় কার কাছে রেখে গেলে গো! ওগো বাবাগো—আমার কি হল গো!

প। তা ভেবোনা গো মামী—আমি তোমার খাবার পর্ব্বার কষ্ট রাখবো না গো! দশমী দ্বাদশীতে থালা থালা জলখাবার দোবো গো—কিছু ভেবোনা গো—

ক্ষে। আহা মা! তোমার ত সুখের বিধবা হওয়া—

সকলে। চল—চল—বাড়ীর ভিতর চল—

বি। ওগো—কেন ম'র্তে তোমায় ছেড়ে দিয়েছিলুম গো?

(স্ত্রীগণ, ক্ষেত্ৰপিসি ও বিমলাব বাটীর অভ্যন্তরে গমন)

১ম পু। তাইত বাবা পদ্মলাল! মামাটা তোমার অপঘাতে কুমীরের পেটে গেল!

প। নিতাইদাদা! মামা একরকম সুখেই গেছেন। রোগের

যাতনা ভোগ ক'র্তে হ'লনা—কা'কেও ভোগালেনা—পরমা ধরচ—মায়
সৎকারের কড়ি অবধি লাগল না,—মহাপুণ্য ক'র্তে ক'র্তে—পুষ্পক রথে
চ'ড়ে চতুর্ভুজ হ'য়ে এতক্ষণে গোলোকে পৌছে তামাক টামাক খাচ্ছেন ।
আহা—এমন পুণ্যবান আর ছ'টী ছিলনা !

২ম পু। তাতো বটেই বাবা ! তা যাহোক—তেরাত্রে আন্ধের
ব্যবস্থা ক'র্তে হবে ! তিলকাঞ্চন ক'রে দ্বাদশটী ব্রাহ্মণসজ্জনকে তো চি'ড়ে
দই ফলার করান' চাই—

প। মামার পুণ্যে কিছুরি অভাব হবেনা দাদা ! আমি গ্রামশুক
লোকজনকে খাওয়াব—তোমরা বৃষোৎসর্গের ব্যবস্থা ক'রে দাও—শ্রাদ্ধ
কালই ক'রে ফেলি—

১ম পু। বাঃ—পদ্মলাল খুব তোয়ের ছেলে—খুব বুকের পাটা
ব'লতে হবে—

প। আর দাদা—যেমন মামা—তেমনি ভাগ্নে ! ওর আর
কথা কি ? (সকলের প্রস্থান)

ষষ্ঠি রক্ষ
পল্লীগ্রামস্থ পথ
কৃষকপত্নীগণ

গীত

আয়, খাইয়ে আসি মিলেয়ে মাঠে ।
ও সে, ভোর না হ'তে, বলদ সাথে,
ক্ষ্যাতে এসেছে ছুটে ॥
বসিয়ে তারে বট-গাছের ছায়ায়,
এই অঁচল দিয়ে, মুখ মুছিয়ে,
ক'র খুসী তায় ;
মেখে, ডালে ভাতে, পূরবে ব্যাতে—
তার, ধরবে যত সেই পেটে ॥
সে, আড় হ'য়ে সেই নরম ভুঁয়ে,
খেখে খানিক প'ডবে শুয়ে
ছ'টো, ঘরের কথা নোবো কয়ে,
হাত বুলিয়ে গায়ে পায়ে ;
মেরে, তামুকে দম্—হয়ে গরম,
সে, কাজে লাগবে ফের উঠে ॥

(গীতান্তে প্রস্থান)

(কৌটার খুঁট গায়ে রামকমলের প্রবেশ)

রাম । বাস্ বাবা—পাঁজও হ'ল—আঠে-পৃঠে পয়জারও প'ড়লো !
এইবার একবস্ত্রে ঘরের ছেলে নাচতে নাচতে ঘরে ফিরি আর কি !

তঙ্করের ধন বাটপাড়েই অধিকার—এ আর নতুন কথা কি বল ?
 ষাঁড়বেচা কড়ি—এক বেলাও কাছে রইল না ! দিখি ওয়ারেসান্
 জুটে—কাণ্‌টী ম'লে—হু'টী রদা দিয়ে—দিগঘর ক'রে—বথাসর্বস্ব নিয়ে
 —সিধে পথ দেখিয়ে দিলে । ওগ্‌রাতেও পাল্লুম না—ফোগ্‌রাতেও
 পাল্লুম না । উঃ—তিন-তিন-শো টাকা ! বাপ্ ! এক নিঃশেষে খোয়ালুম !
 ভাগেটারও পরকাল খেলুম—নিজেও কিছু ক'রে উঠতে পাল্লুম না !
 আবার আর এক ভয় ! সে ব্যাটা মহা তাঁ্যাদোড় ছেলে ! সে কি আর
 বাঙাল বেটার কাছে পায় বেড়ীবাধা পোড়ে থাকবে ? একদিন এ
 কথা প্রকাশ হবেই । আজ না হোক—হু'দিন বাদে । চুলোয় থাক্—
 যা অদৃষ্টে আছে হবে—এখন তো বাড়া ফেরা থাক্ । (প্রস্থান)

সপ্তম অঙ্ক

রামকমলের অন্তরবাটী

শ্রদ্ধের উপকরণ প্রস্তুত

ভট্টাচার্য্য, পদ্মলাল, ক্ষেত্রপিসী, প্রতিবাসিগণ ইত্যাদি

ভট্টা। বেসো—বোসো ঠাক্করণ—বেলায়াং প্রহরেকং প্রায়ং আগতং—এই সময়ং শ্রদ্ধং উপযুক্তং! উপবিশ্য উপবিশ্য—মা কুক ধনজন যৌবন গর্ভং! বিলম্ব ক'ল্লে—ধন জন যৌবন সব গর্ভশ্রাবে যাবে!

প। বোসো—বোসো—মামী—আর মিছে বেলা ক'রনা—

নি। বাবা পদ্মরে—আমি স্বপ্নেও ভাবিনি যে, থান কাপড় প'রে হাতের নোয়া খুলে—তঁার পিণ্ডি আমায় দিতে হবে! ওগো—কোথায়—(ক্রন্দন)

ভট্টা। আবার ক্রন্দনং কথং? স্বামী বিগতা হ'লে অর্থাভাবেই স্ত্রী বরষাৎ রোদনং কুর্যাৎ! পদ্মলালস্য ভাগ্নেকস্য কৃপায়াং যখন বিস্তরং নগদ টাকাং হস্তে প্রাপ্তবন্তী, —যখন অন্নচিন্তাং চমৎকারাং নাস্তি—তখন একটা স্বামী কি বলং—অমন দ্বাদশ স্বামীনং মৃতে দুঃখং নাস্তি!

প। তা বই কি! দুঃখ ক'ছ কেন মামী? মামার পুণ্যে যখন তোমার খাবার পর্কার আর ভাবনা রইলনা—তখন কেবল মাছের জন্তে আর অতটা শোক করা কেন?

১ম স্ত্রী। আহা—পদ্মলাল বেঁচে থাক! তোমার যেমন পেটের ছেলে নেই—তেন্নি এক ভাগ্নেতেই সাতবেটার কাজ ক'ছে! তোমার ভাবনা কি মা?

১ম পুরুষ। আরে—পয়সা থাকলেও এমন ঘটনা ক'রে শ্রীক আজ কালের বাজারে পেটের ছেলেতেও করেনা!

বি। ওগো—সে যে আমায় বড় ভালবাসতো গো—

ফে। তা আর কি হবে মা! কাছে থাকলেই শ্রীকটা কুকুরটাকে অবধি ভালবাসতে হয়—আবাব চোখের আড়াল হ'লে—তখন কে বা কা'র মা—সকলকেই ভুলতে হয়!

ভট্টা। স্থিরং ভবং! উপবিশ্য উপবিশ্য—ভো ভো পদ্মলালস্র মামেঃ! নাৎ, মস্ত্রোচ্চারণং কুক! বল—“অগ্নিং দধ্বাশ্চ বে জিহ্বা যপ্র দুধ্বং কুলে মমং—অগ্ন্য পৌষ মাসে—কুম্ভপক্ষে তৃতীয়াং তিথৌ কিং গোত্রং? কিং গোত্রং?”

(বামকন্ঠের প্রবেশ)

রা। কই বে—ও গিন্নী—

সকলে। একি—একি—কি ব্যাপার—

পদ্ম। ভূত—ভূত! মামা --ভূত হ'য়েছে—

সকলে। ওরে বাবারে—মাবে—ধ'ল্লেরে—খেলেরে!

রা। এঁ্যা! কি—কি—ব্যাপার কি? আবে—পদা কোথেকে?

সকলে। জয় রাম—জয় রাম—

ভট্টা। শ্রীরাম—শ্রীরাম—কিং ভীষণং ভৌতিকং—বিকট মূর্ত্তিং!

জয় শালগ্রাম—জয় শালগ্রাম—রক্ষা কুরুং রক্ষা কুরুং—

ফে। ওরে—তোবা এতগুলু মাগীমদ আছিস্—বেড়ীপেটা খুস্তিপেটা করুনা—নোয়া ছোয়ানা—

রা। ও গিন্নী—ও পদা—

প। ঐরে—মামীগো! দরজায় খিল দাও গো—অপঘাতে ম'রে সত্ত সত্ত ভূত হ'য়ে এসেছে গো—এখনও তোমার আমার মায়া ছাড়তে

পারেনি ! জয় রাম—জয় রাম ! নিতাই দাদা—কাছে বেওনা—
পালিয়ে এস—পালিয়ে এস—

রাম । ওরে পদা—গুওটা পাজী ! আমি ম'রেছি কে বলে ? তুই
বুঝি ? ও গিন্নী ? তুমিও কি ক্ষেপলে নাকি ?

বি । ওগো—যা হবার হ'য়েছে—আবার তুমি এলে কেন গো ?
ওগো—আমি খবর পেয়েই তোমার ছেরাদ ক'র্ত্তে বসেছি গো—আমার
কোনও দোষ নেই ! তুমি বাও—আমি ভাল ক'রে তোমার পিণ্ডি দিচ্ছি !

রা । এঁ্যা—এসব বলে কি রে ! আমাকে জ্যাস্তে ভূত বানিয়ে
দিলিরে পদা ? ও ক্ষেস্তপিসি—আরে তুমি শোননা—

ক্ষে । খবরদার ব'লছি মুখপোড়া—এখনি জাঁসবঁটা দিয়ে তোমার
নাক কেটে দোবো—

রাম । আরে অ ভট্‌চাখিখুড়ো ? বলি—আমার জ্যাস্তে পিণ্ডির
ব্যবস্থা ক'ল্লে বাবা ?

ভট্টা । ভোঃ রামকমলস্ত ভূতং ! আমার একটুও দোষং নাস্তি !
আমি অতি শুদ্ধাচারেণ তোমার শ্রদ্ধং করিষ্যমি ! তুমি তফাতং গচ্ছং
—নচেতং আমি অসামালং ভবসি স্ম !

সকলে । ওরে বাবারে—কি সৰ্বনাশ রে—এমন দিনের বেলায়
সদ্বভূত তো কখনো দেখিনি রে—ডাক্—ডাক্—রোজা ডাক্—

(হরঠাকুর্দার প্রবেশ)

সকলে । ঠাকুর্দা ! পালাও—পালাও—রামকমল বড় দুর্দাস্ত ভূত
হ'য়েছে—পালাও—পালাও—

হর । সে কি রে ? কই—দেখি—

রা । ঠাকুর্দা—তোমার পায়ে প'ড়ছি—তুমি বৃদ্ধ,—প্রাচীন
লোক—দেখ দাদা—আমার গায়ে হাত দিয়ে দেখ—মাইরি ব'লছি—

আমি মরিনি—বেঁচে আছি। ঐ পদা ব্যাটাচ্ছেলে মিছি মিছি ব'লেছে—
—আমি মরিছি! দোহাই দাদা—দোহাই—(হরঠাকুরদার পদমূলে পতন)

হর। তাইতো—তাঠতো—এতো সত্যিই রামকমল জলজ্যাস্ত বেঁচে !
আর তোরা গাঁ-শুকু লোক মিলে মিছে গণ্ডগোল বাধিয়েছিস্ ?

রা। এই বল দাদা—বল ! তুমিই এর বিচার কর—এ সব পদাবাটার বদ্মাসিসি—

সকলে। এঁ্যা—সত্যি নাকি ? রামকমল বেঁচে ? ছিছি—পদা এমন জোচ্চোর ?

হর। হাঁরে পদা ? তোর এই কাজ ? জলজ্যাস্ত মামা বেঁচে—
আর মামীকে খান পরিয়ে মামার পিণ্ড দেওয়াচ্ছিস্ ?

রা। বোঝো দাদা—বোঝো ! ভাণ্ডের আক্কেলটা একবার বোঝো !

প। আর মামার আক্কেলের কথাটাও তবে একবার শুন—তাহ'লে সেটাও সকলে বুঝতে পারবেন। উনি ভাণ্ডেকে এক ব্যাটা আড়ৎদার বাঙালের কাছে তিনশো টাকায় জন্মের শোধ বেচে এসেছিলেন,—মামারই বা কি রকম আক্কেল বাবা ?

রা। মিছে কথা ! কে বলে—কোন্ শালা এ কথা বলে ?

প। সত্যি মিথ্যে—এখনি সেই লোকের কাছে গেলেই সব ভজাভজি হ'য়ে যাবে ! গাঁ-শুকু সকলে আমার সঙ্গে চলুক—

হর। হ্যাঁ হে রামকমল ! এ কথা কি সত্যি ?

রা। যাক্—যাক্ দাদা—সে সব কথায় আর তবে কাজ নেই !
যেমন মামা—তার ভাণ্ডেও ঠিক তেমনি ! শোধবোধ হ'য়ে গেছে।
আর গণ্ডগোল ক'রে ফল কি ?

ভট্টা। কিং পদ্মলালং—শ্রীক্লং ন করিষ্টি ? বিদায়ং মাঠে যুতং ?

প। মৃতং কেন ? পাবেং বইকি ? এতগুলো খোলা কেটে ম'রেছ—মজুরি নোবোনা ?

হর। ছি-ছি—কেলেঙ্কারি ! নাঃ—কেলেঙ্কারিই বা বলি কেন ? এ একটা নতুন রকম আমোদ হ'য়ে গেল। শ্রাকের খাওয়া বড় দুঃখের,—তার বদলে একটা প্রীতিভোজ হবে এখন !

রা। এত খরচপাতি ক'চ্ছে কে ?

প। ভগবান ক'চ্ছে মামা ! তোমায় তার আর কি ব'লবো ! ভট্টচাষ ! এ সমস্ত শ্রাকের জিনিস-পত্রের তুমিই ঘরে নিয়ে যাও—আর এই টাকাটা তোমার দক্ষিণে নাও বাবা ! যাও—মামা ! মামীকে তুমি নিজের হাতে সধবা সাজিয়ে দাও—তাহ'লেই সব দোষ কেটে যাবে ! বুঝে যাও—তোমার অবর্তমানে শ্রাকের ঘটটা কি রকম জাঁকজমকে ক'রবো ! এস, এখন পাতা করবার ব্যবস্থা করি—

রা। তা যাচ্ছি চল—মোদাৎ তুই মাঝখান থেকে খুব একটা রগড় ক'রে নিলি—

সকলে। যা ব'ল্লে ! রগড় ব'লে রগড়—বেজায় রগড় ॥

(সকলের প্রশ্নান)

କ୍ରୋଡ଼ ଦୁଃଖ

ରଞ୍ଜିତୀଗଣ

ଉପସଂହାର-ଗୀତ

କତ, ରଗଡ଼େ ଚ'ଲୁଛି ଏ ଧରା ।
କେବଳ, ରଗଡ଼ କ'ର୍ତ୍ତେ, ଆମା ମର୍ତ୍ତ୍ୟେ,
ରଗଡ଼େ ସଂସାର ଭରା ॥

କେଉ ଠକେ, କେଉ ଠକାୟ କାରେ, କେଉ ହାରେ କେଉ ଜେତେ,
କତ, ଶେୟାନେ ଶେୟାନେ କୋଳାକୁଳି ହ'ଲୁଛି ଦିନେ ରେତେ ;—
କେଉ ଏକ ଘା ଖେରେଇ କୁପୋକାଂ,
କାରଓ ଏକ ଚାଲେତେଇ ବାଞ୍ଜିମାଂ,
କେଉ ଚ'ଲୁଛି ନିୟେ ଜୋର ବରାତ,
କାରଓ ଖାଲି ବାଞ୍ଜେ ଘୁରେ ମରା ।

ସବନିକା

ଶିବମନ୍ତ୍ର

গ্ৰন্থকার প্রণীত

হাস্যরসের লক্ষীর ভাণ্ডার—রচনাতুর্যাপূর্ণ প্রমোদ-নাটিকা

শাঁখের করাত

স্টাট থিয়েটারে অভিনীত

শাঁখের করাত, ভাল অ্যান্টিক কাগজে সুন্দর ছাপা—মূল্য ১০ আনা

সেই মর্মস্পর্শী সামাজিক নাটক

মিনার্ভায় অভিনীত

বাহালা

বাহালা অবৈতনিক নাট্যসম্প্রদায় গঠন করিয়া—“সখের” অভিনয় করেন,—তাহারা যেন এই “বাহালা” নাটকই অভিনয় করেন। মূল্য ১ টাকা।

কৃতান্তের বহুদর্শন

যথার্থ-ই নাট্যজগতে যুগান্তর আনিয়াছে। মূল্য ১০ আট আনা

হাস্যরসাম্বিত দৃশ্যকাব্য

“কেলোর কীর্তি”

মূল্য ১০ আনা

বজ্রের আবাল-বৃদ্ধ-ননিতার মনোরঞ্জে অপূর্ব উপন্যাসগাথা—

রক্তাকর

প্রিয়জনকে উপহার দিবাব মনের মত গ্রন্থ। মূল্য ২ টাকা

থিয়েটারের গুপ্তকথা

পড়িয়াছেন কি? যিনিই পড়িয়াছেন,—তিনিই মজিয়াছেন! যিনি না পড়িয়াছেন তিনিই ঠকিয়াছেন! প্রায় সাড়ে তিন শত পৃষ্ঠায় সমাপ্ত। উৎকৃষ্ট বাঁধাই, চমৎকার কাগজ, সুন্দর ছাপা। মূল্য ১ টাকা।

শেলারামের সন্দেশিতা

যাহার উপর্যুপরি চৌদ্দ রাত্রি অভিনয়ের পর—আপাততঃ গবর্ণমেন্ট
অনুমত্যানুসারে অভিনয় বন্ধ হইয়া গিয়াছে। মূল্য ১ টাকা।

জোর বরাত

নাট্যজগতে একরূপ হাশ্বরসপূর্ণ—চমৎকার নাটক আজ পর্যন্ত
একখানিও হয় নাই। মূল্য ১০ আনা

ঐতিহাসিক পঞ্চাঙ্গ নাটক

সেকেন্দার শাহ

(Alexander The Great) মূল্য ১১০ দেড় টাকা

সেই মনোমুগ্ধকারী পৌরাণিক নাটক

“অর্জুন-উর্বশীর” উপাখ্যান অবলম্বনে রচিত

ফুলশর

মূল্য ৫০ বারো আনা

বৈবাহিক

ষ্টার থিয়েটারে অভিনীত

দুই অঙ্কে সমাপ্ত ; মূল্য আট আনা

উপেক্ষিতা (নাটক) ১, ভূতের বিয়ে (প্রহসন) ১০, সাইন অফ্
দি ক্রস (নাটক) ১, সংসঙ্গ ১, বিদ্যার্থী ১১০, ক্ষত্রবীর ১,
বেজায় রগড় ১০, কলের পুতুল ১০, বরবর্নিনী (উপন্যাস) ১১০,
অভিনয় শিক্ষা ২, সওদাগর ১০, নারীরাজ্যে (নাটিকা) ১০,
যুগমাছায়া (প্রহসন) ১০, ডারবি টিকিট (প্রহসন) ১০, গুরুঠাকুর ১০,

দেশের ডাক

বড় নাট্য-জগতের সর্বশ্রেষ্ঠ সামাজিক নাটক

মিনার্ভা থিয়েটারে অভিনীত

আপনার ঘরে একখানি না থাকা—বর্তমান দেশের দুর্দিনে—আপনার পক্ষে বড় লজ্জার কথা! ভূপেনবাবুর “দেশের ডাক” সমগ্র নাট্য-জগতে যথার্থ-ই রীতিমত সাড়া পড়াইয়া দিয়াছে। পনেরো খানি ছবিতে ভরা। মূল্য ১ এক টাকা।

ধরপাকড়

মিনার্ভায় অভিনীত

সে এক বড় মধুব—বড় মজার ব্যাপার! “যা ভাবছ তা নয়”! একবার পড়িয়া দেখিবেন! মূল্য ১০ আট আনা।

শঙ্খধ্বনি

আধুনিক নাটক

নাট্যমন্দিরে অভিনীত

যে বিখ্যাত নাটকগ্ৰন্থানি সমস্ত রসিকবৃন্দকে বিস্মিত, চমৎকৃত করিয়াছে, যাহাব অভিনয় দোঁখবা পাশ্চাত্য-দেশের কয়েকজন সমালোচক এই অভিনয়কে ইউরোপের অন্ততম শ্রেষ্ঠ অভিনয়ের সহিত তুলনা করিতে কুণ্ঠিত হন নাই, সেই দেশ-প্রসিদ্ধ স্বনামধন্য-নাটক “শঙ্খধ্বনি” আপনি পড়িয়াছেন কি? মূল্য ১ এক টাকা।

গুরুদাস চট্টোপাধ্যায় এণ্ড সন্স

২০৩/১১, কর্ণওয়ালিস্ স্ট্রীট, কলিকাতা

